

Na mes momento ta preparando pa otro tres hoben drenta Parke Arikok a despedi di dos hoben balente y cla pa traha



ORANJESTAD(AAN) Parke Arikok ta contribui na bienestar di nos muchanan. No ta desconoci cu parke Arikok ta para tras di e proyecto di formacion social. Pesey mes a tuma candidatonan cu ta interesa di siña mas di parke y cu kier haya un cuia y disciplina pa ta un miho persona den comunidad. For di aña pasa dos hoben inteligente cu a tuma e paso aki na serio y a keda cla, awe parke Arikok ta despidi di nan despues di 8 luna, nan a forma parti di Parke Arikok como un colega y famia di tur e trahadonan di parke.

Gerencia di parke Arikok a despedi di e hoben Ilan Stamper y Alexander Tromp cu awor ta cla pa drenta comunidad pa sigui crece. Cada un di e hobennan aki a tuma un rumbo diferente Ilan Stamper a scoge pa ta mas den mantencion y por a siña hopi riba e materia, manera traha cu bloki, sament, con ta corta mata, traha gordura, bestia y como mecanico.

Alexander Tromp a scoge mas pa ta un guia den parke unda cu ta intercambia cu hende y turistanan cu ta bishita e parke. Segun Alexander e ta gradici Rambo pa su sosten y apoyo unda cu tur dia ta motive den su trabao. Tambe a siña conoce storia y nomber di mata, principalmente matanan pa remedi, storia di Aruba den prome y di dos guerra mundial, tambe storia di status aparte pa asina por duna e turistanan e informacion corecto di Aruba. Parke Arikok ta contento cu tur dos hoben y na momento cu e hobenan aki a bin nan a haya dos lider cu a guianan den henter e proceso, ta trata aki di Salvador Franken y Adolf Franken cu ta gradici e team di formacion social specialmente Jessica Ras y



Lurene Flanegin cu a ta haci posibel cu e muchanan por bin pasa nan stage di 8 luna den parke Arikok. Na final director di parke a haci entrega di un certificado y gradici e hobennan pa nan participa-

cion y cu nan sigui encurasha otro muchanan pa sigui e bon caminda. Sinembargo dibiha parke a haya tres hoben mas cu lo cuminsa nan stage den parke.

